


Bitarte Ez Justuak

JADANIK HITZ EGIN DUGU **UNISONO**, **LAUDUN**, **BOSTUN** ETA **ZORTZIDUNEN** INGURUAN, BAINA ZER GERTATZEN DA GAINONTZEKOekin? EZ AL DAGO JUSTURIK BERAIEI ARTEAN?



BA... EZ, EGIA ESAN. BAINA HORREK EZ DU ESAN NAHI JUSTUAK BAINO GARRANTZI **GUTXIAGOKOAK** DIRENIK. **BIDUN**, **HIRUDUN**, **SEIDUN** ETA **ZAZPIDUNEK** **BESTE MODU** BATERA FUNTZIONATZEN DUTE!

C
GEHITUA

ALDE BATETIK, BITARTE HAUETARAKO **MAIOR** EDO **MINOR** HITZAK ERABILTZEN DIRA; INOIZ EZ **JUSTUA**. BITARTE MINORREK, MAIORREK BAINO TONUERDI BAT GUTXIAGO DUTE. ETA BITARTE JUSTUETAN BEZALA, **GEHITUAK** EDO **GUTXITUAK** ERE IZAN DAITEZKE; GEHITUEK MAIORREK BAINO TONUERDI BAT GEHIAGO IZANIK ETA GUTXITUEK MIRROREK BAINO TONUERDI BAT GUTXIAGO.

M
MAIORRA

m
MINORRA

g
GUTXITUA

NOLA DESBERDINDU DITZAKEGU BITARTE **MAIOR** ETA **MINORRAK**? LAN HORRETAN LAGUNTZEKO **ESKALA MAIORRA** ERABILI DEZAKEGU. KONTUAN IZAN BEHARREKO GAUZA BAKARRA ONDORENGOA DA: **TONIKATIK** HASITA GORANTZ NEURTUTAKO TARTE GUZTIAK **MAIORRAK** DIRA.



HALABER, TONIKATIK HASITA **BEHERANTZ** NEURTUTAKO GUZTIAK **MINORRAK** DIRA.



BEHIN HAU JAKINDA, **BIDUN**, **HIRUDUN**, **SEIDUN** EDO **ZAZPIDUN** BATEKIN AURKITZEN ZARENEAN, ZEHAZKI NOLAKOA DEN ESAN DEZAKEZU GOIKO ETA/EDO BEHEKOAREN NOTAREN TONUA GOGORATUZ.

RE, GOIKO NOTA, **FA** MAIORREN (BEHEKO NOTAREN) ESKALAN DAGOENEZ BADAKIGU BITARTEA **SEIDUN MAIORRA** DELA.



ETA HEMEN, **SI**, BEHEKO NOTA, **LA** MAIORREN (GOIKO NOTAREN) ESKALAN DAGOENEZ BADAKIGU BITARTEA **ZAZPIDUN MINORRA** DELA.

GORENGO NOTA BEHEKOAREN ESKALA MAIORREAN AURKITZEN BADA, BITARTEA **MAIORRA** DA. **BEHERENGO NOTA GOIKOAREN** ESKALA MAIORREAN AURKITZEN BADA, ORDUAN, BITARTEA **MINORRA** DA.

AZTERTU NAHI DEN BITARTEKO NOTEK **ALTERAZIOAK** BADITUZTE TONUAK ERABILTZEAREN METODOA **KONPLIKATU** EGITEN DA... HOBE DA **MOMENTUTXO** BATEZ ALTERAZIOAK KONTUAN EZ HARTZEA, BITARTEA ZEHAZTEA, ETA **ALTERAZIOAK** **BANAN-BANAN SARTUZ**, BITARTEA NOLA ALDATZEN DEN AZTERTZEA!



UFF! ZER DA **HORI?** KEN DITZAGUN ALTERAZIOAK...



6M

MI SOL-EN TONUAN DAGOELA DAKIGUNEZ **SEIDUN MAIORRA** DA.



6m

BEMOLA BERRIZ JARRITA BITARTEA **TXIKIAGOTXEN** DUGU. ORAIN **SEIDUN MINORRA** DA...



6g

ETA **SOSTENITUA** JARTZEAK ORAINDIK ERE **TXIKIAGOA** EGITEN DU TARTEA... **SEIDUN GUTXITUA!**